




張大司馬奏稿卷三

起咸豐三年癸丑三月訖五月

目錄

通城土匪滋擾見飭臬司帶兵勦捕摺

覆陳編簿安礮難於舉辦片

查辦提督博勒恭武參將阿克東阿下落片

越南貢使改道荊州襄陽進 京片

通城首逆就獲調兵勦辦嘉魚崇陽土匪摺

拏獲金鼓蓮會首要各犯片

查明湖北失事文武各員摺

失守府州縣各員請 敕部分別議罪片

委署道將各缺并畱丁憂人員差委片

查鈔已革兩江總督陸建瀛原籍產業片

通崇土匪略定委員接辦摺

廣濟匪徒滋事派兵勦辦摺

江西撥給湖北漕米請 敕停運片

酌保巴陵勦匪出力員弁摺

浙江解楚銀兩請就近解交江西糧臺抵撥片

粵逆分股北竄接准皖咨籌辦事宜摺

勦辦廣濟土匪三捷江臬司即可起程北去摺

廣濟土匪脅從解散見在查緝首要各犯片

請簡放道員片

探報江南賊情片

賊船回竄籌辦情形摺

委員持示偵探賊蹤解散脅從片

覆陳文道被參情由請仍令蔣道暫署荆宜施道篆務片
候選人員請畱楚補用片

婦人月信時法前用引

女參藥酒前用引
出前得合和滋潤器候宜就養藥引

男婦月信時法前用引
出前得合和滋潤器候宜就養藥引

婦人月信時法前用引

女參藥酒前用引

男婦月信時法前用引

通城土匪滋擾見飭臬司帶兵剿捕摺

咸豐三年三月初一日
會湖北巡撫崇綸銜

奏爲通城縣土匪滋擾見飭臬司帶兵剿捕并查明因何起釁緣
由恭摺具奏仰祈

聖鑒事竊武昌府屬崇陽通山通城等縣壤接湖南岳州府江西
義甯州山谷幽深民情犷悍自道光二十一年崇陽鍾人傑等因
抗糧滋事釀成戕官踞城巨案雖旋經平定而三縣地痞常藉兵
災免徵名目煽聚愚民動思挾制官吏咸豐元年通城卽有抗糧
滋事之案前任督臣程裔采委員帶兵剿捕僅殺王尙志一人結
案首惡未及嚴懲刁徒益無畏忌上年粵逆竄擾湖北各州縣均
以軍書旁午未暇開徵今年正月收復武漢兩城疊經催飭未被

蹂躪各州縣照舊徵收上年下忙旋據署通城縣知縣林之華上
省面陳該縣徵漕棘手情形臣等當經面諭令其與公正紳耆妥
商辦理務令奸民無所藉口而

國賦不致久懸飭其迅速回縣經理去後忽於二十六日接據署
崇陽縣知縣韓印海馳稟本月二十三夜通城西北鄉上三里地
方有土匪突起糾聚多人直入該縣城焚燒縣汛衙署聲稱爲王
尙志報仇搜殺糧書數人搶劫典當該縣家屬經地方紳民救護
出城賊匪見在糾眾搶掠臣等查該匪等膽敢抗糧糾眾燒燬衙
署肆行劫殺實屬目無法紀該縣及毗連之崇陽通山二縣曾因
漕糧釀成巨案山谷愚民罔知大義誠恐互相煽聚致滋事端又

該縣南界湖南臨湘上年逆犯王萬里尙未就獲餘匪游痞難保無乘機嘯聚復肆猖獗當飭委臬司江忠源挑選兵勇自省起程馳赴該縣相機勦辦并飭確查起釁根由如實係官吏丁差浮收勒折以致激成事端卽并將該官吏從嚴參辦其倡亂奸徒務令按名弋獲斷不可稍從姑息期於民情翕服永杜亂萌至該署縣林之華雖因徵漕棘手進省請示與平常無故進省者有閒然當此人心浮動之時遠赴省城請示辦理殊屬不知緩急應并請旨先行交部議處所有土匪滋事臬司帶兵出省勦捕緣由理合由驛具奏伏乞

皇上聖鑒訓示施行謹 奏

硃批另有旨欽此

咸豐三年三月初九日內閣奉

上諭張亮基等奏土匪滋擾見在勦辦一摺湖北通城縣西北鄉土匪因抗糧糾眾肆行搶劫該署督等見派臬司江忠源帶領兵勇馳赴該縣勦辦江忠源昨已有旨令馳赴向榮軍營幫辦軍務見在通城土匪儻勦辦需時著該署督等另派大員接辦仍令江忠源卽赴向榮軍營毋稍遲延至該縣匪徒抗糧滋事實屬目無法紀著卽按名拏獲嚴行懲辦并查明起衅根由如係官吏苛勒激成事端一體嚴參懲治署通城縣知縣林之華輒因徵漕進省請示辦理殊屬不知緩急著先行交部議處欽此

覆陳編簿安礮難於舉辦片

咸豐三年三月初一日
會湖北巡撫崇綸銜

再^臣等承准軍機大臣字寄咸豐三年二月初六日奉

上諭禮部尙書奕湘奏湖北江西徧山產木可隨時砍伐編造木
簿上安礮位以一半防守大江上游各港口堵截逆匪回路一半
順流直下衝擊逆匪與水路官兵聲勢應援等語逆匪搶掠船隻
下竄我軍乏船轉須雇覓見在賊船雖已東竄湖北江西水路各
要隘仍須預爲布置不可因賊蹤已遠防範又疏著張亮基駱秉
章張芾各派文武幹員酌量情形加意防守既可力扼上游亦可
爲下游應援慎勿稍涉大意致有疏虞欽此仰見我

皇上聖慮周詳無微不至

臣

等不勝欽服之至粵逆東竄各路大

兵會剿賊勢窮蹙必將分途竄越而回竄尤在意中尙書奕湘所奏編礮安礮一半衝擊下游一半防守大江原爲籌畫江防戰守兼資起見賊用船而我用礮船之脆不敵礮之堅也賊逆流而我順流逆流之難不若順流之易也苟預先審明沙綫照準來路安設礮位俟賊船駛近次第施放自操勝算或值江流迅駛賊船積聚之處堆置油薪等物放礮縱火尤可一炬無遺

臣

等未接奉

寄諭之先亦會擬議及此顧爲此有數難焉凡取木之處必距水次稍近運腳始輕湖北濱江一帶百數十里間并無深山茂林足供採取鄖陽施南宜昌三府雖尙有未闢老林然離水次太遠巖澗阻深從無運出售賣之事民間所用木植均係湖南辰州沅州

永州寶慶各府木商每歲於夏秋水漲之時編簿運赴鸚鵡洲一帶銷售上年粵逆攻陷漢陽所有木簿均被搶燬見雖趕緊招致木商亦須水漲之時始能浮江而下非可剋期立辦此採買之難也下游一帶江面甚寬極狹之處亦五六里六七里不等簿少則控制難周簿多則需費甚鉅且簿上須安設大礮武漢黃三府防城礮位均被賊匪掠去正在飛咨湖南設局鑄造今又添製大礮鑄造需時且簿礮兩項所費不貲當此經費無出之時於何取給此經費之難也有簿與礮尤須有可恃之將士然後簿與礮足以制賊而不爲賊所用上年粵逆初攻長沙時殷家沖一帶原設有木簿駐有鄉勇賊未到而鄉勇先散木簿徒以資敵是其前鑒且

江中旣設有巨薄岸上須安兵結營互爲掎角以防賊匪由陸襲擊之路前此海上用兵我師只防水路英夷每用陸兵先抄我礮臺後路我兵敗潰夷船始由水路繼進以致沿江沿海各礮臺皆成虛設由於當時只知注意水路不思陸路有警防水之兵亦勢孤而難久也今擬以一半之薄防守大江一半順流直擊計非數千精兵不敷調遣而岸上結營互爲掎角亦非數千精兵不能查湖北武漢黃三府見在殘潰之兵及出征疲乏之兵二千有餘練勇不及一千各營汛兵丁因土匪出沒不常未便多調其稍稱精壯者旣挑赴大營見存之兵率多疲輓不堪難期得力此調發之難也

臣

等悉心商議竊以爲編薄安礮本制寇良策而此時就湖

北一省大局言之實有難於舉辦者物力兵力均非昔時可比也查安徽下游有東梁西梁二山對江夾峙江面尙不甚寬距金陵又近此處設防則安徽江西湖北各省江面均可無慮遇便仍可相機協勦若合三省全力扼之通力合作分辨其事而專責其成兵力厚而物力稍豐視各省之節節設防徒滋勞費而力單費絀終歸無補者似少爲可恃但事屬三省呼應不靈意見各別又人才難得一謀勇兼資者總司其事甚未易儻水陸稍有疏虞則藩籬一撤堂奧堪虞其悔將有不可追者

臣

等是以遲之又久

未敢自決因

聖慈垂詢及此又不敢不畢獻其愚

臣

崇綸於二月二十七日到

任彼此會議意見亦同謹將會商緣由附片由驛覆奏伏乞

聖鑒訓示謹 奏

硃批知道了欽此

查辦提督博勒恭武參將阿克東阿下落片

咸豐三年三月初一日

再已革湖北提督博勒恭武前因岳州失守奉

旨革職交徐廣縉查辦嗣因徐廣縉拏問解京未及覆奏

臣

張亮

基行抵湖北徧查該革員見在存亡下落始據護理提標中軍參

將端玉稟稱接奉該革提督劄開本提督於上年十一月初三日

岳州失守後將弁兵帶回省城移交前提軍雙福本提督就近在

漢川縣養傷後帶領傷病弁兵於十二月二十四日回穀城提督

本署正在委員提解間復據護理提標中軍參將端玉稟稱奉該

革提督劄開該革提督因穀城無明醫擬於二月十七日前往下

江一帶延醫調治并就近投赴軍前報效

臣

接閱之餘不勝駭異

查該革提督自岳州潰逃後帶兵徑回武昌又棄軍私回漢川又藉養病回提督本署今又欲前赴江南種種出人意外見飭沿途州縣無論該革提督行抵何處卽行截畱并委員提解來省候旨應如何辦理之處伏候

聖裁又署岳州參將阿克東阿前經

臣

飭查該參將下落據署岳

州知府賈亨晉稟內有兵丁李廷徵同出西門之說嗣

臣

來鄂據

署武昌府知府轉據岳州水師營兵丁李廷徵稟稱營主阿克東阿於上年十一月初三日賊匪攻撲府城阿主當時陣亡丁將屍身負出西門用小艇裝載於初七日行至湖北省城稟明前督標中軍副將春榮并請江夏縣知縣驗報棺斂飭丁送至清江浦交